

ANM(T)81/10/6/10/Jld.5(20)

Semua Ketua Setiausaha Kementerian

Semua Ketua Jabatan Persekutuan

Ketua Polis Negara - Bahagian Kewangan

Pengarah Jabatanarah Urusan Gaji Angkatan Tentera (UGAT)

Semua Ketua Perwakilan Luar Negeri

Semua Ketua Akauntan Jabatan Mengakaun Sendiri

Semua Pengarah Negeri Dan Cawangan Jabatan Akauntan Negara

Semua Pusat Gaji



KERAJAAN MALAYSIA

**SURAT PEKELILING AKAUNTAN NEGARA MALAYSIA
BILANGAN 5 TAHUN 2008**

**PERATURAN PEMBAYARAN IMBUHAN TAHUNAN DAN BAYARAN KHAS
PRESTASI KEPADA ANGGOTA PERKHIDMATAN AWAM PERSEKUTUAN
BAGI TAHUN 2008**

1. TUJUAN

1.1 Surat Pekeliling ini adalah bertujuan untuk menetapkan peraturan pembayaran berikut:-

- i) Imbuan Tahunan kepada anggota dalam Kumpulan Pengurusan dan Profesional serta Kumpulan Sokongan; dan

- ii) Bayaran Khas Prestasi kepada anggota dalam Kumpulan Pengurusan Tertinggi.

1.2 Pekeliling ini hendaklah dibaca bersama dengan Pekeliling Perkhidmatan Bilangan 13 Tahun 2008.

2. ASAS PERKIRAAN IMBUHAN TAHUNAN DAN BAYARAN KHAS PRESTASI

2.1 Kadar Imbuan Tahunan dan Bayaran Khas Prestasi yang perlu dibayar hendaklah dikira berasaskan kepada gaji pokok (termasuk elaun memangku) bagi bulan Ogos 2008 kecuali pegawai yang tidak lagi berkhidmat pada bulan Ogos 2008, perkiraan adalah berdasarkan kepada gaji pokok terakhir.

2.2 Kadar Imbuan Tahunan dan Bayaran Khas Prestasi telah ditetapkan bagi pegawai yang genap satu tahun kalendar perkhidmatan bagi tahun 2008 adalah:-

- i) **1 bulan gaji** bagi anggota yang berpendapatan melebihi RM1,000.00 sebulan dan
- ii) RM1,000.00 bagi anggota yang berpendapatan kurang RM1,000.00

3. PERATURAN PELAKSANAAN PEMBAYARAN IMBUHAN TAHUNAN DAN BAYARAN KHAS PRESTASI

3.1 Pembayaran Imbuan Tahunan dan Bayaran Khas Prestasi akan dibuat separuh bersama gaji bulan September 2008 dan separuh lagi bersama gaji bulan Disember 2008. Dalam membuat pembayaran ini, peraturan-peraturan berikut perlu dipatuhi:-

3.1.1 Cukai Pendapatan

Cukai pendapatan tidak dipotong dari amaun Imbuhan Tahunan dan Bayaran Khas Prestasi yang hendak dibayar, tetapi Imbuhan Tahunan dan Bayaran Khas Prestasi tersebut akan diambil kira dalam Penyata Pendapatan Tahunan untuk tujuan penaksiran cukai pendapatan. Anggota Perkhidmatan Awam digalakkan untuk menjelaskan sendiri cukai pendapatan berkenaan berdasarkan kepada Jadual (Kaedah 3) Potongan Cukai Bulanan Lembaga Hasil Dalam Negeri.

3.1.2 Potongan Kumpulan Wang Simpanan Pekerja (KWSP)

Di bawah tafsiran 'upah' dalam seksyen 2, Akta KWSP 1991, Imbuhan Tahunan dan Bayaran Khas Prestasi ini adalah dikenakan caruman KWSP. Potongan caruman pekerja dan bayaran caruman majikan perlu dibuat dengan wajarnya.

3.1.3 Bayaran bagi anggota di bawah Sistem Gaji Berkomputer

Bagi Anggota Perkhidmatan Awam di mana gajinya dibayar melalui Sistem Gaji Berkomputer perkara berikut hendaklah diambil maklum:-

- i) Penyata Perubahan (Kew.8) tidak perlu disertakan. Pejabat Perakaunan (Negeri/Cawangan Jabatan Akauntan Negara Malaysia dan Jabatan Mengakaun Sendiri) akan mengeluarkan **Laporan ZRPY030** sebagai menggantikan Borang Perubahan (SG20) untuk bayaran yang pertama dan kedua.
- ii) Kementerian/Jabatan hendaklah **menyemak** amaun Imbuhan Tahunan dan Bayaran Khas Prestasi yang dibayar seperti di dalam **Laporan ZRPY030** terutama sekali mereka yang tidak layak menerimanya dan mereka yang hanya layak menerimanya secara

“proportionate” seperti yang tersebut di dalam Pekeliling Perkhidmatan Bilangan 13 Tahun 2008. Adalah menjadi tanggungjawab Kementerian/Jabatan mengutip semula atau memotong daripada gaji bulan berikut amaun yang tidak layak diterima oleh seseorang Anggota Perkhidmatan Awam.

- iii) Bagi anggota yang tidak tersenarai dalam Laporan ZRPY030 seperti di para 3.1.3 (ii) tetapi gajinya adalah diproses dalam Sistem Gaji Berkomputer, bayaran Imbuan Tahunan dan Bayaran Khas Prestasi hendaklah dibuat melalui SG20 pada bulan berikutnya.

3.1.4 Pembayaran Melalui Baucer Berasingan

Bagi Imbuan Tahunan dan Bayaran Khas Prestasi yang dibayar melalui baucer berasingan hendaklah disertakan Penyata Perubahan (Kew.8) dan lain-lain dokumen sokongan.

3.1.5 Pelarasan untuk Imbuan Tahunan Dan Bayaran Khas Prestasi

Pelarasan yang sewajarnya jika perlu hendaklah dibuat oleh Kementerian/Jabatan dalam bulan Disember 2008.

3.1.6 Kod Urusniaga

Kod-kod urusniaga yang perlu digunakan adalah seperti berikut:-

KOD	KOD	
<u>SODO</u>	<u>ELAUN</u>	<u>PERIHAL KOD ELAUN</u>
15103	1056	Imbuan Tahunan Kakitangan Awam
15204	1056	Imbuan Tahunan Pasukan Keselamatan

KOD <u>SODO</u>	KOD <u>ELAUN</u>	<u>PERIHAL KOD ELAUN</u>
29304	1056	Imbuhan Tahunan Pekerja Sementara Dan Sambilan Yang Tidak Menyanggah Jawatan Tetap
15105	1501	Bayaran Khas Prestasi Jawatan Utama
15205	1501	Bayaran Khas Prestasi Pasukan Keselamatan
15103	1533	Pelarasan Imbuhan Tahunan Kakitangan Awam
15204	1533	Pelarasan Imbuhan Tahunan Pasukan Keselamatan
15105	1532	Pelarasan Bayaran Khas Prestasi Jawatan Utama
15205	1532	Pelarasan Bayaran Khas Prestasi Pasukan Keselamatan

3.2 Pembayaran Imbuhan Tahunan dan Bayaran Khas Prestasi ini adalah menjadi tanggungjawab pejabat di mana gaji pegawai berkenaan dibayar.

4. PERUNTUKAN UNTUK MEMBAYAR IMBUHAN TAHUNAN DAN BAYARAN KHAS PRESTASI

4.1 Kementerian/Jabatan Kerajaan hendaklah membayar Imbuhan Tahunan dan Bayaran Khas Prestasi ini daripada peruntukan tahun semasa yang sedia ada. Sekiranya peruntukan ini tidak mencukupi, permohonan peruntukan tambahan hendaklah dibuat kepada Perbendaharaan.

“BERKHIDMAT UNTUK NEGARA”
“Perakaunan Berintegriti Perkhidmatan Berkualiti”



(DATO' MOHD SALLEH BIN MAHMUD)

Akauntan Negara Malaysia.

10 September 2008

- s.k.
1. Ketua Audit Negara.
 2. Semua Akauntan/Bendahari Negeri
 3. Ketua Eksekutif, Lembaga Hasil Dalam Negeri.
 4. Pengurus Besar KWSP.